

REGIONAL NEWS

HEADLINES:-

1. Union Home Minister Pu Amit Shah chuan Assam Rifle sawn chhuahna tur MOU tih khawtlai chu hapta khat chhunga tihfel a tum thu Chief Minister Pu Lalduhoma a hrilh.
2. Union Minister of State for Minority Affairs, George Kurian-a'n hmarchhak hmasawna chu sorkar laipui ngaih pawimawh ber a ni, a ti.
3. Wawiin khan Bay of Bengal Initiative for Multi-sectoral Technical and Economic Cooperation (BIMSTEC) Foreign Ministers' Retreat wawi hnihna chu New Delhi ah tan a ni.
4. Prime Minister Narendra Modia chuan wawiin khan NITI Ayog, New Delhi ah economist langsar tak tak Union Budget 2024-25 pharh tur chungchangah a kawm.

<><><>

UNION HOME MINISTER

Union Home Minister Pu Amit Shah chuan tukin khan Chief Minister Pu Lalduhoma chu telephone a biaiin Assam Rifle sawn chhuahna tur Memorandum of Understanding, hun engemaw chen Home Ministry in an kawl tawh chu hapta khat chhunga tihfel a tum thu a rawn hrilh.

Tun hnaia Chief Minister Delhi zin lai khan Union Home Minister hi a zin chhuah lai a lo nih ve avangin an inhmu hman lova. Chuvang chuan lekhain Cyclone Remal chhawmdawlina te, Raltlan chhawmdawlina te leh Assam Rifle sawnchhuah thute hi Home Minister-ah hian a thehlu a. Union Home Minister hian heng lekhka te a hmuh ve leh Chief Minister hi a rawn be nghal a ni.

Remal chhawmdawlina leh raltlan tanpuina te hi an rawn pe chhuak dawn tih a a sawi a. Assam Rifle sawnchhuahna tura Mizoram sawrkar, Assam Rifle leh Central sawrkar te inremna Memorandum of Understanding, hun engemawchen Home Ministry in an kawl tawh chu tun dinhmuna mutan nia a ngaih thu Chief Minister hian a lo sawi a. Union Home Minister Pu Amit Shah hian kar khat chhunga he MoU hi lo chinfel a tum tur thu a hrilh a ni.

<><><>

NEW CRIMINAL LAW

Misual leh dan bawhchhiate hremna dan thar (Major Criminal Law) 3-Bharatiya Nyaya Sanhita (BNS), Bharatiya Nagarik Suraksha Sanhita (BNSS) leh Bharatiya Sakshya Adhinyam (BSA) tun thla ni 1 atanga ram puma hman tan chungchung zirhonna chu Aizawl khawpui chhunga chanchinthar thehdartute pualin Aizawl SP Conference Hall ah neih a ni.

Hun hmanna ah hian zawhna leh chhanna neih a ni a, suahsualna avanga tuartute chavo dikte, misual hrem theihna dan thar te, compensation te, thilsual tihna hmuna Police leh thuneitute mai bakah mipui te mawhphurhna sawi ho niin, Aizawl SP Pu Rahool Alwal chuan a sawifiah zui bawk a ni.

BNS hian Indian Penal Code, 1860 a thlak a, BNSS hian Code of Criminal Procedure, 1973 a thlak bakah, BSA hian Indian Evidence Act, 1872 a thlak a ni. BNS hian Section 358 a nei a (IPC in Section 511 a nei). Dan bawhchhiat theihna chi 20 belh niin, lung in tan theihna hi 33-a tihpun a ni bawk. Vantlang hna thawh -a inhrem theihna tur dan bawhchhiatna chi ruk dah belh a ni a, inhrem ngei ngei ngaihna chi 23 dah belh a ni bawk. BNSS hnuaiyah hian Police-in mi an kawl theih chung hian dan bawhchhiat azirin ni 15 atangin ni 90-ah tihpun a nih thute, sawi ho a ni a, Dan thar hi a thar a nihna angin zir chian paha harsatna lian tham awm lova heng dan thar pathumte hi hman a nih theih nan theihtawp chhuahpui turin Aizawl SP chuan mipui te a sawm nghal a ni.

<><><>

UNION MINISTER

Union Minister of State for Minority Affairs, George Kurian-a'n hmarchhak hmasawna chu sorkar laipui ngaih pawimawh ber a ni, a ti.

He thu hi vawiina BJP Mizoram State Press Conference Room, Aizawl-a chanchinbumite a kawmnaah sawiin Pu George Kurian-a chuan, hmarchhak state-a hnam tlêm zawkte tan PMJVK hnuaiyah hmasawna ruhrel din hna thawh mek a ni a, thawh zawh tawh pawh eng emaw zat a awm, a ti a. PMJVK hmang hian zirna in leh damdawi in-ah te hmasawna hna thawh a nih tur tur thu a sawi a. Manav Sampada programme pawh Prime Minister Narendra Modi-a kaihruaina hnuaiyah tan a nih tawh thu a sawi a. Hemi hnuaiyah hian mipuite'n hamthatna an dawng thei, a ti.

Union Minister hian Vawk pul hri leng mek ASF chungchang pawh sawiin, ASF laka inven dan a awm, a ti a. Zangnadawmna a awm thu pawh sawiin a tuartute chu sorkarah an zualko a ngai a; Sorkar hnena report hmasa lova an lo suat thin avangin buaina a awm thin a, hmalak a harsa thin, a ti a. Vawk te chu suat an nih hmaa sorkar an hrih ngei a nih chuan zangnadawmna an dawn tur thu a sawi a ni.

<><><>

ASF

Congress Party chuan ZPM sorkar chu Mizoram Lokayukta kut phuarah puhin, an kut phuar sut turin Chief Minister an ngen.

Ngenna hi vawiin khan MPCC Vigilance Cell chuan Chief Minister Office ah an thelut a, hemi chungchangah hian vawiin khan Aizawla chanchinbu mite kawmin, MPCC Sr Vice President Pu Lalnunmawia Chuaungo chuan Lalnunmawia chuan Mizoram Lokayukta Act 2014 passed a nih a, kum 2019 atanga Mizoram hnathawhtir anih atangin state chungga corruption chungchanga case chhui thei awmchhun a ni, a ti a. Mizoram Lokayukta Act ah pawh case investigation chhui mek court la thleng lo chu Mizoram Lokayukta ah transfer vek tur tih niin corruption hlemhletna chungchang ah a pawimawh em em a ni a ti. Hetihlai hian ZPM chuan kumin March ni 15 a gazette notification a tihchhuahah lokayukta dan siamthatna siamin Lokayukta hnathawk chak thei tura siam aiin lokayukta hnathawk hleitheilo tura siamna tura thil tihdanglam thahnem tak an nei a ti a. Lokayukta chu an thuam chak ang an ti ve tak na a, an hmalak dan chu a letling ta hlauh mai a. Lokayukta chu a kut phuarin a hnung an khirh ta zawk a ni a ti.

CM hnenah lehkhah an thehluhah chuan Section 10 ti danglama Inquiry Wing leh Prosection Wing hotu lian level tihhniam chuan recruitment ah harsatna a siam theih bakah hna a thawh kawngah hatsatna a siam dawn a ni, an ti a. Section 13(3) hnuaia proviso tidanglama Central leh State hnuaia thawk public servant ni lo, pawl hnuaia thawkte prosecute hmaa pawl thuneitute phalna lak hmasak ngai ta chuan thil tisuattute laka hmalak nasa takin a ti khaihlaikin a ti harsa dawn a ni an ti a ni.

Mizoram Lokayukta hi a bik taka Dan hran siam a din anih thu leh investigation agency dangin an chhui phak loh, Chief Minister thlenga chhui thei tura din a ni tih sawiin, Section 14 of Mizoram Lokayukta Act, 2014 chuan hlemhletna thil a investigation agency dangte thuneihna pawh Lokayukta kutah a hlan vek laiin Section 14-ah proviso belhin Lokayukta thuneihna chu agency dangte henah pawh an hlan ve ta a. Hei hi Mizoram Lokayukta pawimawhna leh thuneihna tih dalna a nih avang leh Lokayukta Act siam a nihna chhan tih bawrhanna a nih avangin he proviso hi paih leh nghal turin an phut tih a sawi.

Mizoram Lokayukta hian sawrkara in nghat lova zalen tak leh hleih nei lo a hna a thawh theih nan a mamawh ang Officer leh staff pe vat tur leh, kum 2021 a State sawrkarin ACB atanga post 25 Mizoram Lokayukta-a transfer tura thutlukna a lo siam tawh hi a taka chantir nghal turin an phut tih Congress Party chuan an sawi a, Lokayukta hnuaia officer leh staff-te la tura Mizoram Lokayukta nena thuneihna pe turin kan phutin kan ngen a che. Hei hi Mizoram Lokayukta Act siamthat ruala awlsam taka tih theih a ni tih an tarlang tel bawk a ni.

<><><>

BIMSTEC

Vawiin khan Bay of Bengal Initiative for Multi-sectoral Technical and Economic Cooperation (BIMSTEC) Foreign Ministers' Retreat vawihniha chu New Delhi ah tan a ni a. External Affairs Minister S. Jaishankar-a chuan ramdanga a thawhpuite hi a lo dawngsawng a. BIMSTEC Foreign Ministers' Retreat ah hian External Affairs Minister chuan lawmna thusawiin an inhmukhawmna chuan BIMSTEC te thawhhonaah phurna thar, bungrua leh inpekna thar a siam a beisei a ti a. An retreat hmasak lamah hian inbiakpawhna lamte, institution siamna lamte, sumdawnna lawma thawhhona, hriselna leh space lamte, digitap public infrastructure, capacity building te chu an ngaihtuah tur a ni a ti bawk.

Dr. Jaishankar-a chuan khawvel puma thilthleng leh an chhehvela thilthleng hrang hranga chinfel ngai tam tak a awm tih a sawi a. Hmachhawp lian tak tak an hmaah tihhlawhtlin tur an neih thu a sawi bawk a ni.

<><><>

PM

Prime Minister Narendra Modia chuan vawiin khan NITI Ayog, New Delhi ah economist langsar tak tak Union Budget 2024-25 pharh tur chungchangah a kawm. He hunah hian Union Finance Nirmala Sitharaman, NITI Ayog Vice Chairman Suman Bery, Principal Secretary to Prime Minister PK Mishra leh ramchhunga mithiam tak takte an tel a ni.

Kumin Parliament Budget Session hi tun thla ni 22 ah tan tur a ni a. NI 23 ah Union finance Minister Nirmala Sitharaman-in Union Budget 202425 hi Lok Sabha ah a pharh dawn a. Narendra Modi sawrkar term thumnaa budget hmasa ber a ni ang.

<><><>

ASSEMBLY PREPAREDNESS JHARKHAND

Electon Commission team mi paruk awmna chuan Jharkhand-a Assembly inthlan inbuatsaihate an thlirho. He team hi Senior Deputy Electioni Commissioner Nitesh Vyas leh Dharmendra Sharma ten an ho a. vawiin khan district hrang hranga District Election Officer te nen an thukhawm a. Vawiin vek khan Jharkhand Chief Electoral Officer leh electioni official te nen an thukhawm bawk a. Electoral roll ennawn chungchangah fimkhur taka thawkturin an hrilh a. Jharkhand ah hian electoral roll revision neih mek a ni a, June ni 25 atanga July ni 24 thleng neih tur niin August ni 20 ah electoral roll hi tlangzarh a ni ang. Kumin kumtawpah Jharkhand ah hian inthlan buatsaih a ni ang.

<><><>